

Nambari ya Mtahiniwa _____

SMZ

**BARAZA LA MITIHANI LA ZANZIBAR
MTIHANI WA KUINGILIA KIDATO CHA TATU**

021

KISWAHILI

MUDA: SAA 2.30

JUMATANO 23 DISEMBA, 2020 MCHANA

MAAGIZO KWA WATAHINIWA

- 1. Mtihani huu una sehemu NNE (4) A, B, C, na D.**
- 2. Jibu maswali YOTE kutoka sehemu A, maswali MAWILI (2) kutoka sehemu B, maswali MAWILI (2) kutoka sehemu C na swali MOJA (1) kutoka sehemu D.**
- 3. Andika nambari yako ya mtihani katika kila ukurasa.**
- 4. Majibu yote yaandikwe kwenye sehemu zilizoachwa wazi.**
- 5. Majibu yote yaandikwe kwa kalamu ya buluu au nyeusi.**
- 6. Simu za mkononi na vitu visivyoruhusiwa havitakiwi ndani ya chumba cha mtihani.**

KWA MATUMIZI YA WASAHIHISHAJI		
NAMBARI YA SWALI	ALAMA	SAINI
1.		
2.		
3.		
4.		
5.		
6.		
7.		
8.		
9.		
10.		
JUMLA		

Mtihani huu una kurasa 14 zenye maandishi

SEHEMU A: (Alama 20)

UFAHAMU

Jibu maswali YOTE katika sehemu hii.

1. Soma kwa makini beti za shairi lifuatalo, kisha jibu maswali yanayofuata chini yake.

Si leo toka zamani, mkulima mtu **duni**,
Ana tabu maishani, tena hapewi thamani,
Yafaa tutizameni, kisha tuyachunguzeni,
Si leo toka zamani, mkulima mtu duni.

Jogoo linapowika, kokoriko mitaani,
Mkulima huamka, jembe lake mkononi,
Bila ya kupumzika, hufika kwake shambani,
Si leo toka zamani, mkulima mtu duni.

Tena mvua na jua, humwangukia mwilini,
Mkulima huugua, kwa kazi kuithamini,
Mimea **kupalilia**, kukwepa umasikini,
Si leo toka zamani, mkulima mtu duni.

Wakaazi wa mjini, na wafanyakazi pia,
Na viongozi nchini, huduma awapatia,
Sijui kakosa nini? thamani kutomtia,
Si leo toka zamani, mkulima mtu duni.

Maisha ya mkulima, humalizika tabuni,
Haonji malazi mema, kila siku vibandani,
Wenye baba na yatima, wote wako mashakani,
Si leo toka zamani, mkulima mtu duni.

Starehe kwa ujumla, zinaishia mijini,
Maji safi ya muala, njia na umeme ndani,
Aliyezichuma **hela**, ni mkulima shambani,
Si leo toka zamani, mkulima mtu duni.

Dharau wakielewa, kuna hatari mbeleni,
Mkulima **ang'amua**, naye akae mjini,
Hapo ndipo tutajua, mkulima naye nani,
Si leo toka zamani, mkulima mtu duni.

MASWALI

a) Ni jambo gani kubwa linalozungumzwa katika shairi hili?

b) Eleza jitihada mbili (2) anazochukua mkulima ili kupambana na umasikini.

c) Bainisha tofauti iliyopo kati ya maisha ya mjini na vijijini.

d) Onesha athari inayoweza kujitokeza endapo jamii haitomthamini mkulima.

e) Eleza maana ya maneno yaliyopigiwa mstari kama yalivyotumika kwenye shairi ulilolisoma hapo juu.

Nambari ya Mtahiniwa _____

2. Fupisha shairi ulilolisoma hapo juu kwa aya moja (1) yenye maneno yasiyozidi ishirini (20).

SEHEMU B: (Alama 30)

SARUFI NA MATUMIZI YA LUGHA

Jibu maswali MAWILI (2) katika sehemu hii. Swali la TANO (5) ni la lazima.

3. a) Toa mfano mmoja (1) kwa kila kielezi cha namna kifuatacho.
i) Kielezi cha namna kikariri.

- ii) Kielezi cha namna kiigizi.

- b) Tumia maneno yafuatayo yasimame kama vivumishi katika sentensi.
i) Wangu

- ii) Wale

- c) Ainisha maneno yanayounda tungo zifuatazo.
i) Kaka Ali anacheza bao.

- ii) Hapa si pazuri.

Nambari ya Mtahiniwa _____

d) Geuza sentensi zifuatazo katika kauli ya kutendana.

i) Mzee alimpiga mwanawe.

ii) Askari alimshika mwizi barabarani.

e) Fafanua kwa kutumia mifano aina zifuatazo za unominishaji.

i) Nomino kutokana na kivumishi.

ii) Nomino kutokana na kitenzi.

4. a) Nyumbua maneno yafuatayo na kuunda maneno manne (4) kwa kila neno.

i) Omba

ii) Zima

b) Andika visawe vya maneno yafuatayo.

i) malengo

ii) kuwasili

Nambari ya Mtahiniwa _____

c) Tofautisha kwa kutumia mifano dhana ya shina na mzizi katika neno.

d) Eleza faida mbili (2) za kuongeza istilahi na msamiati katika lugha ya Kiswahili.

e) Andika dhima mbili (2) za kiambishi awali **"a"** katika neno "anapendeza".

5. a) Bainisha mambo makuu mawili (2) yanayosababisha mitindo mbalimbali ya lugha.

b) Taja hasara mbili (2) za misimu katika lugha.

c) i) Nini maana ya mawasiliano?

Nambari ya Mtahiniwa _____

ii) Eleza dhima mbili (2) za lugha katika mawasiliano.

d) Onesha mambo mawili (2) yanayosababisha utata katika lugha ya Kiswahili.

e) Andika kifupisho kinachotumika katika Kamusi ya Kiswahili Sanifu kwa kila neno kati ya maneno yafuatayo. Nambari moja (i) imetumika kama mfano.

NENO	i) kwa mfano	ii) kidini	iii) aghalabu	iv) Fizikia	v) kama vile
KIFUPISHO	k.m				

SEHEMU C: (Alama 30)

FASIHI

Jibu maswali MAWILI (2) katika sehemu hii. Swali la SITA (6) ni la lazima.

6. Tunga igizo fupi linalohusu mapambano dhidi ya udhalilishaji wa watoto.

Nambari ya Mtahiniwa _____

Blank lined area for writing the answer.

Nambari ya Mtahiniwa _____

7. a) Tegua vitendawili vifuatavyo.

i) Nina ng'ombe wangu nisipomshika mkia hali majani.

ii) Kisima kidogo kimejaa changarawe.

b) Bainisha vipengele vya fani vilivyotumika kuunda methali zifuatazo.

i) Siri ya mtungi aijuaye kata.

ii) Bandu bandu humaliza gogo.

c) Andika mambo mawili (2) muhimu yanayohitajika wakati wa uwasilishaji wa fasihi simulizi.

d) Taja nyenzo moja (1) muhimu inayotumiwa na msanii kwa kila tanzu ya sanaa ifuatayo.

i) Ufinyanzi

ii) Fasihi

e) Fafanua kwa mifano tamathali za semi zifuatazo.

i) Sitiari

ii) Tashihisi

8. a) Eleza jinsi gani fani na maudhui hutegemeana katika kazi ya fasihi.

b) "Uhifadhi wa kazi za fasihi simulizi kwa njia ya kompyuta unaweza kuleta matokeo hasi na chanya". Thibitisha kwa kutumia hoja mbili (2) kwa kila upande.

c) Onesha sababu mbili (2) za kuhakiki kazi za fasihi.

Nambari ya Mtahiniwa _____

d) Eleza kanuni zifuatazo za utunzi wa mashairi ya kimapokeo.

i) Muwala

ii) Utoshelevu

e) Taja sifa mbili (2) za ngano.

SEHEMU D: (Alama 20)

UANDISHI

Jibu swali MOJA (1) tu katika sehemu hii.

9. Eleza mambo matano (5) ambayo mwandishi wa Insha anatakiwa kuyazingatia ili kuifanya Insha yake kuwa bora.

AU

Andika Insha ya maneno 120 hadi 150 ukitetea hoja inayosema "Kuelimika kwa mwanamke ni kuelimika kwa jamii nzima".

Nambari ya Mtahiniwa _____

10. Andika barua kwa rafiki yako aliyekuwa Singida na umuarifu kuhusu mipango yako ya maisha baada ya kumaliza masomo. Jina lako ni Abewaye Hujikaza.

Nambari ya Mtahiniwa _____

